

# ДАВЛАТ АҲАМИЯТИДАГИ АВТОМОБИЛЬ ЙЎЛЛАРИНИ САКЛАШ ИШЛАРИ БЎЙИЧА

## ШАРТНОМА № 8Д/С

Бухоро шаҳри

“31” январ 2022 йил

Бизлар, “Бухоро вилояти автомобиль йўллари ҳудудий бош бошқармаси” номидан, бошқарма Низоми асосида иш юритувчи, бош бошқарма бошлиғи Ш. Абдуллоев бир томондан, (кейинги ўринларда “Буюртмачи” деб юритилади), “Пешку туман йўллардан фойдаланиш унитар корхонаси” номидан корхона устави асосида иш юритувчи корхона директори И. Хамроев иккинчи томондан, (кейинги ўринларда “Пудратчи” деб юритилади), аниқ манзилли ва йўл ишлари рўйхатида тасдиқланган 172 км узунликдаги умумий фойдаланишдаги давлат аҳамиятидаги автомобиль йўлларини сақлаш ишларини ташкил қилиш бўйича ушбу пудрат шартномасини туздик.

### I. ШАРТНОМА ПРЕДМЕТИ

1.1 “Пудратчи” мазкур шартнома шартлари бўйича ўзига бириктирилган умумий узунлиги 172 км бўлган умумий фойдаланишдаги давлат аҳамиятга эга бўлган автомобиль йўллари ва ушбу йўллардаги йўл иншоотларини сақлаш ишлари бўйича шартномага кўрсатилган муддат давомида доимий равишда хизмат кўрсатади.

1.2 Ўзбекистон Республикаси “Автомобиль йўллари туғрисида”ги Қонуннинг 15-моддасига асосан “Пудратчи” га бириктирилган автомобиль йўллари, йўлдаги иншоотлар, жиҳозлар ва мол-мулклар “Пудратчи” нинг ихтиёрида бўлади.

### II. ШАРТНОМА БАҲОСИ

2.1. Шартнома баҳоси “Пудратчи”нинг 2022 йил 1- чоракда тасдиқланган йўл ишларига ажратилган харажатлар сметасига асосан 496 597 500 (тўрт юз тўқсон олти миллион беш юз тўқсон етти минг беш юз) сўмни ташкил этади. Шартномага сақлаш ишлари бўйича йўл ишлари рўйхати (харажатлар сметаси) илова қилиниб, булар шартноманинг ажралмас қисми ҳисобланади.

### III. ТЎЛОВ ШАРТЛАРИ.

3.1 “Буюртмачи” Ғазначилик бошқармаси орқали “Пудратчи”га шартноманинг 2-бўлимида кўрсатилган маблағни мазкур шартноманинг ажралмас қисми ҳисобланган харажатлар сметаси ва тўлов жадвалига мувофиқ тўлаб боради.

3.2. “Буюртмачи” “Пудратчи”га сақлаш ишларини бошлаш учун ойлик режанинг 40 фоизи миқдоридан олдиндан аванс (бўнақ) маблағи тўлайди, қолган сумма харажатлар сметаси асосида бажарилган ишлар “Буюртмачи” томонидан қабул қилиб олинди, бажарилишини тасдиқловчи ҳужжатлар тўлиқ тақдим қилингандан кейин тўлаб берилади (ойма-ой харажатлар тасдиқланган харажатлар сметасидан ошишига йўл қўйилмайди).

3.3. Ўзбекистон Республикаси Президентининг 2007 йил 28 февралдаги 594-сонли қарорига асосан тегишли ғазначилик бўлинмаларида рўйхатдан ўтказилмаган шартномалар асосида бажарилган ишлар учун тўловлар амалга оширилмайди.

3.4. Умумий фойдаланишдаги автомобиль йўлларини сақлаш ишларини молиялаштиришга ажратилган маблағлар белгиланган мақсадга эга бўлади ва тегишли автомобиль йўлларини сақлаш ишлари билан боғлиқ бўлмайдиган эҳтиёжлар учун олиб қўйилмайди ёки сарфланмайди. (Қонун ҳужжатларида назарда тутилган ҳоллар бундан мустасно).

### IV. МАЖБУРИЯТЛАРНИ БАЖАРИШ МУДДАТЛАРИ.

4.1. “Пудратчи” ушбу шартномага мувофиқ сақлаш ишларини ҳар ойнинг 25-санасигача бажариб, бажарилган ишларни тўловга тақдим этади.

4.2. “Буюртмачи” “Пудратчи” томонидан бажариладиган ишлар учун шартноманинг 3.2-бандига асосан аванс маблағларини жорий ойнинг 15-санасигача бажарилган ишлар учун бажарилишини тасдиқловчи ҳужжатлар тўлиқ тақдим қилингандан кейин 5 кун ичида тўлаб беради.

4.3. Шартноманинг амал қилиш муддати :

2016 йил 22 декабрда Ўзбекистон Республикаси Адлия вазирлигида 2850-сон билан рўйхатга олинган “Бюджет тизими бюджетларининг Ғазна ижроси қондаларига” ҳамда Ўзбекистон Республикаси Президентининг 2007 йил 28 февралдаги 594-сонли қарорига асосан, шартнома тегишли тартибда Ғазначилик бошқармасида рўйхатдан ўтказилгандан сўнг қонуний кучга киради ва 2022 йил 5 январдан тарафлар ўртасидаги бошланган муносабатларни тартибга солишга қаратилган бўлиб, 2022 йил 31 декабрда амалда бўлади.

4.4. Мазкур шартнома бир хил юридик кучга эга бўлган икки нусхада тузилиб, томонларнинг ҳар бирига бир нусхадан берилади.

### V. ТАРАФЛАРНИНГ ҲУҚУҚ ВА МАЖБУРИЯТЛАРИ.

5.1 Пудратчининг ҳуқуқ ва мажбуриятлари :

5.1.1. Ўз кучи маблағлари ҳисобидан ишларнинг календарь режасига белгиланган ҳажмда, муддатларда ва сифатли қилиб барча ишларни бажариш ва “Буюртмачи”га лойиха-смета ҳужжатларига мос келадиган ҳолатдаги ишларни камчиликларсиз топшириш;

5.1.2. Ўзига бириктирилган автомобиль йўллари ва улардаги иншоотларни, йўл жиҳозларини асраш, таъмирлаш, ривожлантириш ва такомиллаштириш ҳамда йўл хизмати кўрсатиш.

5.1.3. Йўлларни сақлаш жараёнида Ўзбекистон Республикаси “Автомобиль йўллари туғрисида”ги Қонуни ва Ўзбекистон Республикаси Вазирлар Маҳкамасининг 2006 йил 1 ноябрдаги 226-сонли қарори билан тасдиқланган ва 2011 йил 31 декабрдаги 352-сонли қарори билан тўлдирилган «Умумий фойдаланишдаги автомобиль йўлларини таъмирлаш ва сақлаш ишлари ТАСНИФИ»га ҳамда тизимдаги йўл корхоналарининг

“Ўзбекистон Республикаси Автомобиль йўллари кўмитаси” олдидаги мажбуриятлари тўғрисидаги ижро ҳужжатларига қатъий риоя қилиш;

5.1.4. Йўл минтақасидан самарали фойдаланиш ва уни амалдаги қонунлар ҳамда меъёрий ҳужжатлар талабларига мувофиқ равишда сақлаш;

5.1.5. Сақлаш ишларини бажариш даврида техника хавфсизлиги, атроф муҳитни, йўл минтақасини муҳофаза қилиш бўйича зарур тадбирлар бажарилишини таъминлаш;

5.1.6. Йўлларда бажарилиши зарур бўлган ишлар бажарилмаслиги ёки етарли даражада бажарилмаслиги натижасида келиб чиққан оқибатлар учун “Пудратчи” тўла жавоб беради.

5.1.7. Бажарилган сақлаш ишлари “Буюртмачи”га топширилгунга қадар бажарилган ишларнинг тасодифий йўқ қилиниши ва шикастланиши “Пудратчи”нинг зиммасида бўлади.

5.1.8. “Пудратчи” ўзи хизмат кўрсатаётган автомобиль йўллари ва йўл иншоотларини транспорт воситаларининг узлуксиз ва хавф-хатарсиз ҳаракатланишини таъминлайдиган соз ҳолатда сақланиши учун жавобгардир. Автомобиль йўлининг тегишли бўлагиди (йўл шароити билан боғлиқ) йўл-транспорт ҳодисаларини расмийлаштиришда вакил сифатида иштирок этади.

5.1.9. Ўзбекистон Республикасининг “Автомобиль йўллари тўғрисида”ги Қонуннинг 21-22-моддаларига асосан йўл минтақасида йўл ишлари билан боғлиқ бўлмаган ҳар қандай ишларни амалга ошириш “Буюртмачи” билан келишилган ҳолда амалга оширилади.

5.2. Буюртмачининг ҳуқуқ ва мажбуриятлари:

5.2.1. Шартномада белгиланган микдорда ва муддатда бажарилган сақлаш ишлари учун харажатлар сметасига асосан “Пудратчи”га ҳақ тўлаш;

5.2.3. “Пудратчи” томонидан бажарилган сақлаш ишларини ҳар ойнинг 25-санасигача қабул қилиб олиш.

5.2.4. Шартноманинг II-бўлимига ва илова қилинадиган харажатлар сметасига мувофиқ режалаштирилган маблағлар “Пудратчи” томонидан ўз вақтида ўзлаштирилмаса ўзлаштирилмай қолган маблағни “Буюртмачи” қайтариб олиш ҳуқуқига эга.

5.2.5 “Пудратчи” томонидан бажарилиши лозим бўлган сақлаш ишларини исталган вақтда назорат қилиш ва аниқланган камчиликлар бўйича далолатнома тузиш.

## **VI. БАЖАРИЛГАН САҚЛАШ ИШЛАРИ ҚАБУЛ ҚИЛИНИШИНИ ТАШКИЛ ҚИЛИШ.**

6.1.1. “Пудратчи” сақлаш ишларини томонлар ўзаро келишиб тасдиқлаган харажатлар сметаси, лойиҳа смета ҳужжатларига мувофиқ равишда ташкил этади.

6.1.2. Алоҳида маъсулиятга эга конструкциялар ва яширин ишлар тайёр бўлишига қараб уларни қабул қилиш бошланишидан 3 кун олдин “Пудратчи” “Буюртмачи”ни ҳабардор қилади.

Агар яширин ишлар “Буюртмачи”нинг тасдиғисиз бажарилган бўлса ёки кечикиб ҳабардор қилинган бўлса, у ҳолда унинг талаби бўйича “Пудратчи” яширин ишларнинг қисмини ўз ҳисобидан очишга, уни қайта тиклашга мажбурдир.

6.1.3. Агар “Буюртмачи” “Пудратчи” томонидан ишларнинг сифатсиз бажарилганлигини аниқласа, у ҳолда “Пудратчи” ўз кучи билан “Буюртмачи” белгилаган муддатда сифатсиз бажарилган ишларни қайта бажаришга мажбурдир.

6.1.4. Ишлар бошланган пайдан улар тугаллангунга қадар “Пудратчи” ишларни бажариш дафтари юрилади, дафтарда бутун ишларнинг бориши акс эттирилади.

6.1.5. Сифатсиз бажарилган иш ҳажми “Пудратчи”дан қабул қилиб олинмайди.

6.1.6. Буюртмачи” бажарилган сақлаш ишларини қабул қилиб олиш учун ўз вақилини буйруқ асосида тайинлайди. У “Буюртмачи”нинг номидан бажарилаётган ишлар сифати устидан техник назоратни амалга оширади. Бажарилган ишлар учун фойдаланилган материаллар сифати “Пудратчи” зиммасида бўлади.

6.1.7. Техник назоратчи ёки “Буюртмачи” томонидан тузилган комиссия ишлар бажарилишининг олиб борилиши ва шартноманинг бутун даври мобайнида ишларнинг барча турлари билан тўлиқ танишиш ҳуқуқига эгадир.

6.1.8. “Пудратчи” назоратчини бажарилган ишларни қабул қилиб олиши ва иш жойига бориб келиши учун транспорт воситаси билан таъминлайди.

6.1.9. Назоратчи “Пудратчи” томонидан автомобиль йўллари ҳолати бўйича ишларни амалга ошириш жараёнида пайдо бўладиган масалаларни ҳал қилиш учун техник Кенгашга таклиф киритади, йиғилишларда мунтазам қатнашади.

6.1.10. Инспекция назорати олиб бориш ва ишларни қабул қилишда “Пудратчи”га тобе бўлмаган ихтисослашган ташкилотни жалб қилган ҳолда тегишли ўлчов текширувларини амалга ошириш ҳуқуқига эга. Мазкур текширувлар ва лаборатория ҳулосалари учун “Пудратчи” томонидан ҳақ тўланади.

## **VII. ФОРС-МАЖОР.**

7.1. Тарафларнинг ихтиёрига боғлиқ бўлмаган, уларни олдиндан билиш ёки олдини олиш имконияти бўлмаган ҳолатлар (енгиб бўлмас куч) оқибатида мажбуриятларни бажармаганлик ёки етарли даражада бажармаганлик учун тарафларнинг бирортаси иккинчи тараф олдида жавобгар эмасдир. (Бундай ҳолатлар жумласига эпидемиялар, табиий офатлар, ҳарбий ҳаракатлар кирди).

7.2. Ўз мажбуриятларини бажара олмаётган тараф енгиб булмас кучнинг мавжудлиги ва унинг шартнома бўйича мажбуриятларни бажаришга таъсири ҳақида иккинчи тарафга ҳабарнома бериши лозим. Агар енгиб булмас куч ҳолатлари узлуксиз 2 ой давомида амал қилиб турса ва яқин муддат ичида бекор қилиниши эҳтимоли бўлмаса мазкур шартнома тарафлардан бирининг ташаббуси билан иккинчи тарафга ёзма билдиришнома юбориш йўли билан бекор қилиниши мумкин.





С.9



Бухоро вилояти АЙХББ вакилиги Ш. Абдуллаев 2022 йил  
 Бухоро вилояти автомобиль-кураги худудий бош бошқармаси буюртмасига асосан Пешку ТЙФУК хизмат кўрсатилган давлат аҳамиятдаги автомобиль йўлларини сақлаш ишлари бўйича 2022 йил 1-чорак ХАРАЖАТЛАР СМЕТАСИ ЖАДВАЛИ

№	Йул-нинг рақами	Автомобиль йулининг номи	Йулнинг узунлиги км	2022 йилда молиялаштириш режаси				
				1-чорак режаси	Жами	шундан		
						Январь	Февраль	Март
1	4р48	Зарафшон тракти	306-326	116800,761	116800,761	38933,587	38933,587	38933,587
2	4р66	Азизобод к-Вобкент ш-Алиёр к-Хужа Порсо к-А-380 "Гузур-Бухоро-Нукус-Бейнеу" а/йули	33-75	245281,554	245281,554	81760,518	81760,518	81760,518
3	4р68 "а"	Галаосиё ш Рометан ш автомобиль йулидан Пешку кишлоғига шахобча	3-8	29200,185	29200,185	9733,395	9733,395	9733,395
4	4р218	"А380 автйўли-Тошбулок гранит кони-Қорақир массиви-Шурук к-Жонкелди к."	0-105	105315,000	105315,000	35105,000	35105,000	35105,000
		Шу жумладан матъурий бошқаруя апаратыни сақлаш		230054,000	230054,000	76685,000	76685,000	76684,000
		Жами	172,0	496597,500	496597,500	165532,500	165532,500	165532,500

Бухоро вилояти АЙХББ вакили:

*Б. Зоиров*

Б. Зоиров

Пешку ТЙФУК бош муҳандиси :

*Р. Раҳматов*

Р. Раҳматов

ИЧТФБ бошлиғи :

*С. Сафаров*

С. Сафаров